

***Workshop* atu apoiu komunikasaun iha instituisaun justisa sira**



Felisberta Moniz Da Silva husi Media PNUP servisu ho membru Ofisina Defensoria Publika iha workshop Komunikasaun ne'ebe foinlalais ne'e halao. Foto: Joana Saraiva/UNDP Timor-Leste

Dili – funsionáriu nain-12 husi Servisu Ministériu Públiku no Defensoria Pública mak partisipa-ona iha *workshop* kona-ba Komunikasaun no Informasaun ba Públiku ne'ebé hala'o iha loron 24 no 25 Setembru iha UN House. Eventu ne'e, hala'o husi UNDP Programa ba Sistema Justisa (PSJ) no hala'o ho apoiu husi Unidade Mídia no Komunikasaun UNDP nian ho objetivu atu hasa'e komprensaun kona-ba importánsia husi komunikasaun institusional no hadi'a koñesimentu kona-ba hakerek istória nian no fotografia báziku.

Kuaze partisipante sira ne'e nu'udar pontu fokál ba komunikasaun no informasaun ba públiku iha sira-nia instituisaun sira, no sei aplika koñesimentu ne'ebé fahe iha sira-nia servisu loron-ba-loron nian.

“Ho *workshop* ne'e, Ita bele atu hasa'e ita-nia koñesimentu atu fó apoiu ho di'ak ba Ita-nia instituisaun ninia apoiu iha fahe informasaun kona-ba ninia knaar, atividade no desenvolvimento sira” dehan Esmeralda Gusmão da Silva, partisipante ida husi Servisu Ministériu Públiku nian.

Durante *workshop* ne'e, iha doasaun ba kámara 5 atu fasilita servisu husi pontu fokál sira, liuliu iha distritu sira ne'ebé sai husi kapitál Distritu Dili nian. Istória no fotografia sira ne'e sei uza atu tau iha instituisaun sira-nia website no boletín informativu sira, no formandu sira sei simu orientasaun akompañamentu. Iha servisu Ministériu Públiku nian, *workshop* ne'e hanesan hakat primeiru iha implementasaun husi Planu Komunikasaun ne'ebé mak desenvolve husi UNDP ninia apoiu atu promove prátika ida ne'ebé mak koordinadu no institucionalizadu-liu iha komunikadaun no divulgasaun.

Komunikasaun mak rekursu importante ida hodi harii kapasidade husi funsionáriu 12 husi Servisu Ministériu Públiku no Defensoria Pública nian iha area Komunikasaun no Informasaun ba Públiku, no sei haktuir ho apoiu mentoría no espesializadu.

Komunikasaun mak rekursu importante ida atu garante efikásia, efisiénsia no transparénsia husi instituisaun públiku sira. Liu-husi inisiativa ne'e mak PSJ ajuda instituisaun sira atu aumenta transparénsia no asesu ba informasaun husi sira-nia funsionamentu, knaar no mandatu.

Destaka sira:

- *Workshop* ba loron-2 ne'e ho objetivu atu harii kapasidade husi funsionáriu 12 husi Servisu Ministériu Públiku no Defensoria Pública iha area Komunikasaun no Informasaun ba Públiku, no sei haktuir ho apoiu mentoría no espesializadu.
- Hasa'e kapasidade no planeamentu husi instituisaun seitór justisa sira iha Komunikasaun no Informasaun ba Públiku atu ajuda hadi'a efikásia, efisiénsia no transparénsia no promove liután asesu ne'ebé luan ba justisa.